



SA EXAM PAPERS

YOUR LEADING PAST YEAR EXAM PAPER
PORTAL

Visit SA Exam Papers

www.saexampapers.co.za



basic education

Department:
Basic Education
REPUBLIC OF SOUTH AFRICA

SENIOR CERTIFICATE EXAMINATIONS

SISWATI LULWIMI LWASEKHAYA (HL)

LIPHEPHA LEKUCALA (P1)

2018

EMAMAKI: 70

SIKHATSI: Ema-awa 2

Leliphepha linemakhasi la-13.

TICONDZISO KULABAHLOLWAKO

1. Leliphepha lehlukaniswe TIGABA LETINTSATFU:
SIGABA A: Sivisiso (30)
SIGABA B: Sifinyeto (10)
SIGABA C: Takhi netimiso tekusetjentiswa kwelulwimi (30)
2. Phendvula YONKHE imibuto ngeSiswati.
3. Cala LESO NALESO SIGABA ekhasini LELISHA.
4. Dvweba umugca emva kwaleso naleso sigaba.
5. Tinombolo tetimphendvulo atihambisane naleto letisephepheni lemibuto njengobe tinjalo.
6. Shiya umugca emkhatsini wetimphendvulo takho.
7. Caphelisisa sipelingi/lupelomagama nendlela lewakha ngayo imisho.
8. Siphakamiso sekulawulwa kwesikhatsi:
SIGABA A: Lokungenani emaminithi la-50
SIGABA B: Lokungenani emaminithi la-30
SIGABA C: Lokungenani emaminithi la-40
9. Bhala ngebunono nangesandla lesifundzekako.

SIGABA A: SIVISISO**UMBUTO 1**

1.1 Fundza lethekesthi bese uphendvula imibuto lelandzelako.

ITHEKSTHI A

KUBALULEKA KWEKULONDOLOTA TINCWADZI TEMAFU		
1	<p>Tivalwa nje tikolo sewuhlele ucedzile Somancandzeka ngemisebenti latayenta. Nembala wavuka lokwa watsanyela libala.</p> <p>'Ngifuna kuyihlanta indlu yakitsi, ive kushaywa ngumoya. Kunini yafunyatelwa ngetimphahla nemaphepha lamadzala? Ihlala inesikhutsa. Lamuhla kulamuhla, nakunetimphaka ngitativumbulula tiphume tiyewushona etintsabeni.' NguSomancandzeka lowo atikhulumela yedvwa ngesikhatsi atsanyela. Utsite angakanaki weva tigi setilapha. Wetfuka wacishe wayewuhlaba phasi ngemlomo. Intfo leyasuke yametfusa, kutsi letigi lativako tiphangene nemicabango yakhe lephatselene netimphaka.</p>	5 10
2	<p>'Whuu! Wate wavuka-ke lamuhla ntfombi,' kusho Nomkhosi, umngani lomkhulu waSomancandzeka.</p> <p>'Kodwa ungetfuselani kangaka Nomkhosi?' Washo ngelivi lelinekudzineka, lelichachatliswa kwetfuka.</p> <p>'Ncesi mngamu. Ngitsi uyangibona.'</p> <p>'Utsi ngiyakubona, ngikubona ngani ngingenawo emehlo abokati netikhova?'</p> <p>'Ngiyacolisa ntfombi lenkhulu, bengingati kwekutsi utawetfuka ngalendlela. Sewungate utfukutselele intfo lencane kangaka nebakitsi?'</p> <p>'Hho ...! Yintfo lencane kantsi, ungetfusa ngemabomu?' Wagobondzela Somancandzeka wakhombisa kungamnaki umngani wakhe.</p>	15 20
3	<p>Phela Nomkhosi ute akhokhobe ebumnyameni lobungaka nje, uhlose kutewuvusa umngani wakhe batewuya kuyowasha emfuleni. Naku-ke sekatawukhandza kutsi sewunelwakhe luhlelo lwemisebenti lafuna kuyenta. Kwadzingeka kutsi Nomkhosi atiyele yedvwa emfuleni.</p>	25
4	<p>Somancandzeka wenele kucedza ebaleni, wacondza ekamelweni lakhe. Esikhundleni sekutsi agebe umbhedze, wawuphakamisa waweyamisa elubondzeni. Tingubo watigoca watibeka etikwelitafula lelisesibuko. Watsanyela, wakolobha, wafaka ipholishi wabuye wayikhipha. Wawubuyisela umbhedze endzaweni yawo wase uyawugceba kahle. Nanguya ayewungena ekhishini. Wakhipha titja emakhabetheni, watigeza, wesula emakhabethe wabuye watibuyisela. Ukwenta konkhe loku sewubeke emanti esitofini. Atsite nasabila, watsatsa sitja sekugeza watselela unina labesolo alele.</p>	30 35
5	<p>'Make! Nankha emanti ekugeza, vuka-ke Mkhonta ngobe nelitiya selilungile.'</p>	

	'Hhwuu! Kantsi sekuse kangaka mntfwanami?' Washo watomula, atelula umuntfu lomdzala. Akatange asanwabuluka, wavele wavuka. 40	
	'Ingubo ayinamali mntfwanami, angivuke ngiyewuhlala lapha esiteshini ngitsengise ematamatisi ami lasele itolo.'	
	'Kulungile make, nasewucedzile utawufutfumeta ematfumbu nganali litiya.' Washo alibeka embikwenina.	
6	Naloku Somancandzeka abesidzandzane lesineminyaka lelishumi nakune, kepha abewati wonkhe umsebenti wendlu. Angisayiteki-ke yekupheka. Wanele kucedza, watsatsa likasi lematamatisi LaMkhonta, wacondza esiteshini. Somancandzeka wacedzisa ekhishini wedlulela ekamelweni lenina. Phela lendlu beyinemakamelo lamatsatfu. Hhu! Wawutfola-ke umsebenti lapha 50	45
	umntfwanaMakhweyane. Bekunetishumpha letaboshwa ngaboNowa. Etishumpheni bekunetimphahla teyise. Angitsi kusukela washona Makhweyane tavele tafuhluketwa. Watihahlula Somancandzeka, watigoca kahle.	
7	Naku-ke satatitsela ebhokisini lelidzala lelilenga inkanankana lengakakhiywa. Walivula, wakhandza inyafunyafu yemaphepha. Wawanyakulula. 'Ih ...! Bomake nabo bayatsandza kubanga emazeze. Yani lenyakanyaka yemaphepha lamadzala?' Emkhatsini wawo wakhangwa sitfombe seyise nenina. Wasitsatsa wasibeka eceleni. Abetsatsa ngalinye liphepha afundze lokubhaliwe. Liningi lawo bekutincwajana lebekukhokhelwa ngato esitolo sefenisha, kantsi letinye nguletabhalwa nguyise asandza kushada nenina. 60	55
8	Etincwadzini teyise labetibhala, abetsandza kutsi nasekacedzile ngekuteka telutsandvo bese utsi: 'Ungabanaki bodzadzewetfu. Bafuna kukulahlisa umendvo ulingise bona.' Lenye wayikhandza ngentasi itsi: 'Ungabokhohlwa kutsi sashada, konkhe lokungekwakho kwami, lokungekwami kwakho,' nasekaphetsa incwadzi yakhe. Wafundza Somancandzeka wase ubona kutsi lokunye lokusamapheshana lokungakabaluleki, kuncono akushise. Sitfombe naletinye tincwadzi tenina letiligugu, wakubeka. Wasukuma wacukula libhokisi nalokuyinyakanyaka, wacondza etaleni. 70	65
9	Ngaleyo nhlanhla ematamatisi enina asheshe aphela esiteshini. LaMkhonta watitsela entfutfwini etaleni, kantsi ngemaphepha lasacala kokhela umlilo. 'Hhayi wena, ushisani lapho?' 75	
	'Ngishisa lenyafunyafu yetincwadzi tenu lebekadze nibhalelana tona,' nguSomancandzeka akhuluma ngekunganaki.	
	'Hhayi bo! Musa kuganga, cisha umlilo ungakashisi onkhe lamaphepha.' Washo LaMkhonta aphutfuma ayewucisha. Ngenhlanhla emaphepha labesebhokisini abesengakacali kokhela. Wawubhula umlilo wate wacisha. Lokunye besekungumlotsa, lokunye kushe kuletinye tindzawo. 80	
	'Kodwa ungate ucishe lomlilo make, ani lamaphepha ngobe abanga imfuhluta? Angati nobe awukaboni kutsi ngikhuculule njani endlini. Angiwafuni lamaphepha akho, ungamane uwafunele lenye indzawo yekuwabeka.' Ukhuluma nje sewuphefumulela etulu Somancandzeka ngekutfukutsela. 85	

10	<p>'Somancandzeka mntfwanami, akusiyo imfuhluta lamaphepha. Ayasebenta, leli lasebhange lapho uyihlo abebhanga khona, unjenje ngenca yalo, kube belingekho, ngabe ngakondla ngani, ngabe ute nalombhejana. 90</p> <p>Kwasandlu ngabe asinayo, kwasasikolo losifundzako ngabe awusati.' 'Ukusho ngani loko make?'</p> <p>'Phela kwatsi kushona uyihlo, bobabekati batsi bayatitsatsa tonkhe timphahla temnakabo. Batsi kufanele ngiphume ngiphele nakulendlu. 95</p> <p>Angisayiphatsi yemali yempesheni yeyihlo yasemsebentini. Bagijima bayoyifuna angakafihlwa. Ngenhlanhla kwaba ngilo leliphapha lemshado.'</p> <p>'Hawu make, ubindzeleni nendzaba lengaka?'</p>
[Emagama Ekutjelwa: 86–89]	

Phendvula YONKHE imibuto ubhekise kuletheksthi lengenhla.

- 1.1.1 Veta inkhomba lekuletheksthi lengenhla lefakazela kutsi Makhweyane abemtsandza ngekweliciniso umkakhe. Bhala KUNYE. (1)
- 1.1.2 Etintfweni letentiwa nguSomancandzeka, nguyiphi lengena ngaphasi kwekuhlantisisa indlu? Nika KUNYE. (1)
- 1.1.3 Kukhulekela nangabe ungena emtini wemuntfu, bekutawuncandza siphil sigameko lesibalwe kuletheksthi lengenhla. Nika KUNYE. (1)
- 1.1.4 Khokha libintana lelikuletheksthi lengenhla leliso kucala kuvutsa kwentfo letsite. (1)
- 1.1.5 Khetsa imphendvulo kuleti letilandzelako. Kukhulunywa ngasiphi sikhatsi nakutsiwa saNowa?
- A Salomuhla
B Sanamuhla
C Sayitolo
D Sanyase (1)
- 1.1.6 Nika SINYE sizatfu lesikuletheksthi lengenhla, lesikhomba kutsi boSomancandzeka bahlala endzaweni lesengakathutfuki. (1)

- 1.1.7 Nika YINYE indlela Somancandzeka lakhombise ngayo kutsi uyatitsandza kukuletheksthi lengenhla. (1)
- 1.1.8 Tigi letaviwa nguSomancandzeka, tihlangana ngayiphi indlela netimphaka labeticabanga ngekusho kwaletheksthi lengenhla? (1)
- 1.1.9 Saga lesitsi, 'Ingubo ayinamali,' sichazani? (2)
- 1.1.10 Tincwadzi tekukhokhela etitolo lebetibekwe nguLaMkhonta tingabasita kutiphi timo bantfu balomuhla nangabe naboangatibeka? (2)
- 1.1.11 Yini locabanga kutsi bekuyimbangela yekutsi bobabekati bafune kucosha LaMkhonta kaMakhweyane? Nika KUBILI. (2)
- 1.1.12 Ngekucabanga kwakho, wabangelwa yini LaMkhonta kutsi agcine timphahla taMakhweyane sikhatsi lesidze kangaka? (2)
- 1.1.13 Bomake labahanjelwe bayeni babo batfola siphi sifundvo ngaLaMkhonta? Usho ngani? (2)
- 1.1.14 Abefanele yini LaMkhonta kutsengisa ematamatisi? Usho ngani? (2)
- 1.2 Fundza lesibonwa bese uphendvula imibuto lelandzelako.

ITHEKSTHI B



[<http://www.alamy.com>]

- 1.2.1 Yini lengenta kutsi laba labakulesibonwa bangenwe tifo kalula? Nika KUNYE. (1)
- 1.2.2 Nika KUNYE lokuhle lokungazuzwa ngummango ngalomsebenti lowentiwa ngulabantfu labakulesibonwa. (1)
- 1.2.3 Masipala angakuvimbela ngayiphi indlela kutsi ummango wakulenzawo ungalahli tibi nanobe kukuphi? Bhala KUNYE. (1)
- 1.2.4 Kubangelwa yini kutsi linyenti lababantfu labakulesibonwa ligcoke letembatfo tekusebenta letifanako? Nika KUNYE. (1)
- 1.2.5 Letibi natingabutsiselwa ndzawonye tingawutfufukisa ngayiphi indlela ummango wakulenzawo? Chaza. (2)
- 1.2.6 Nika MUNYE umehluko naBUNYE budlelwano baloko lokwenteka emkhatsini wetheksthi A netheksthi B. (4)

SAMBA SESIGABA A: 30

SIGABA B: SIFINYETO**UMBUTO 2**

Fundza lethekesthi bese uyayifinyeta ngewakho emagama langabi ngetulu kwala-80. Sifinyeto sakho asicukatse **tintfo letisikhombisa, Lifa lahlangabetana nato emva kwekuvelelwa yingoti yemoti.**

CAPHELA

1. Sifinyeto sakho asibe ngendlela yetindzima (emapharagrafu).
2. Akukadzingeki kutsi ubhale sihloko.
3. Khombisa linani lemagama lowasebentisile ekugcineni kwesifinyeto sakho.

ITHEKSTHI C**TINTFO LETENTA LIFA AGCINE APHUYILE**

Lilanga laMvelinchanti liyincaba ngobe liphuma lishone ngendlela yalo. Kuye kutsi nalapho kuhlupheka sekubahleti embonjeni, lona lingakushayi mkhuba loko.

Kwaba njalo nalesikhatsi Lifa alibona litsi phasha etintsabeni. Inhlitiyo beyibuhlungu, angati kutsi intfo lenje uyoyibikela bani futsi njani.

'Bacinisile labatsi litsatsa losemsamo limbeke emnyango, litsatse losemnyango limbeke emsamo.' Kuchuba Lifa njalo. Lowo bekungumcabango wakhe emva kwekutfola ingoti yemoti layitfola babuya etindzaweni tekutijabulisa nesingani sakhe. Utsi uma abuka emuva kube lukhuni kuvuma kutsi nguye lucobo lona losanje? Tintfo besetimhlanekela mbamba.

Batsi lokungapheli kuyahlola. Kantsi labadzala batsi ayikho imphunga yelihlatsi. Lifa wamphica Sihle labeshade naye mbumbulu ngobe afuna imali yakhe, kantsi ngekhatshi enhlitiyweni utsi, 'Lala lulata ngikwengule'. Kepha lamuhla Lifa bese atiphice yena, angasenandlu, asahlala emkhukhwini lotjekile lobuye ungenamafasitelo.

Ulwa nemicabango yedvwa njengemntfwana lophetfwe tinhlungu kodvwa angenamandla ekusho kutsi kubuhlungu kuphi. Lifa besekete ngisho imoti, besekulihhoko letinkukhu lucobo.

Lifa labetitjela kutsi lifa letiwula lidliwa tihlakaniphi, wamangala kutsi nguye lona labesanje lamuhla kube bekungasinjalo emalangenini lengcile. Watibona asayintsandzane lesevidvume ngekuba sikhohlakali ngekuba lihatsa emalini. Abesanemahloni ekubukana nebantfu ngenca yesatelo lebesesimhlupha busuku nemini.

Labanye besebabona nkalwane embetse sikhumba sesahhukulu, sebenta sibonelo ngaye nabekhuta bantfwababo. Impela bacinisile labo labatsi umhlaba uyahlonishwa, ngobe nawungawuhloniphi, utakuhlaba njengaye, Lifa.

Tonkhe letintfo tenteka ngendlela labengakayilindzeli. Bonkhe bangani bakhe kanye netihlobo besetimbalekele asayintfo lengafunwa nangubani emhlabeni. 'Lokungapheli kuyahlola', ngobe nayo lemali yetinyembeti yanyamalala njengemanti lacitseke emhlabatsini. Phela abeyidla nalesingani sakhe lesafa kuleyo ngoti.

Sifiso sakhe besesisinye vo, kubonana naSihle akhulume naye umlomo nemlomo. Kwaba matima ngobe namakhalekhukhwini abengasenaye, konkhe besekushabalele. Watfumela umlayeto ebanganini baSihle kutsi ucela kumbona. Watsi uma awutfole Sihle watfumela umshayeli wakhe kutsi ayomlandza. Kwatsatsa sikhashana kutsi Sihle atsatse sincumo sekulandza Lifa atewumuva kutsi utsini. Kute lowatiko kutsi bekufikani engcondvweni yakhe emva kwalesigameko lamenta sona.

[Kusa Kusa: 34–37]

SIGABA C: TAKHI NETIMISO TEKUSETJENTISWA KWELULWIMI**UMBUTO 3**

Fundza lesikhangisi bese uphendvula imibuto lelandzelako.

ITHEKSTHI D

SIPHUPHUTSI



1. Umoya waleSiphuphutsi uphephetsa njengesivunguvungu, upholise yonkhe indlu.
2. **Umoya waso uphephetsa timpumulo kuphappe tinsila nesifuba lesicinene sivuleke nge.** HHule!!! Kulabo labanaso.
3. LeSiphuphutsi sishaya sifutsefutse sisibeke le.
4. Ngulabadla kusale labakhona kusitsenga.
5. Timpunya atisondzeli lapho singakhona.
6. Umoya walesiphuphutsi ugobisa tinja kulumana.
7. Lesiphuphutsi sitsengwa butsaputsaphu, asihlali emashelufini ngobe semukelwa nga R3000,00.
8. **Titsengele sakho, ungabhadlulwa lilanga, intsendzele lenhle ngulekhala igijima!!!**

[www.dreamtime.com]

- 3.1 Khokha umusho lokulesikhangisi locuketse luvelomagama lolukhomba kujabulela lokutsite. (1)
- 3.2 Phindza ubhale umusho lokunombolo 1 bese ufaka mcondvofana weligama lelidvwetjelwe lotfolakala kuso lesikhangisi. (1)
- 3.3 Ubonakala ngani lona lohlalele lomkhicito kutsi uyawujabulela? (1)
- 3.4 Khetsa imphendvulo kuletilandzelako: Sinongo sini senkhulumo lesicuketfwe ngumusho lokunombolo 3?
- A Sihabiso
B Selutfo
C Simunfutiso
D Siphukuto (1)
- 3.5 Lutsini luvo lwakho ngaloluhlobo lwemusho lokunombolo 7? (1)
- 3.6 Sicubulo salesikhangisi sihambisana ngayiphi indlela nalomkhicito lokhangiswako? (1)
- 3.7 Yini kutsiwe saga lesikunombolo 8 siyakhutsata? (1)
- 3.8 Faka inselele kulomusho locindzetelwe lokunombolo 2. (1)
- 3.9 Phawula ngekukholweka kwemusho lo setjentiswe kunombolo 5 kulesikhangisi lesingenhla. (2)

[10]

UMBUTO 4

Fundza lekhathuni bese uphendvula imibuto lelandzelako.

ITHESKTHI E

[www.@danscartoons.com]

- 4.1 Khokha umusho lokulekhathuni losebentise inkhulumo letsatfwa njengemaciniso ibe itsintsa imiva yalabanye. (1)
- 4.2 Emagameni labomahambisana, ngumuphi mahambisana lobona kutsi angafanela laba lababili labeme embikwemfundisi? (1)
- 4.3 Chaza ngalesimo sebuso balona lomsikati lohleli phasi. (1)
- 4.4 Lamacashati lakulenkhumo lecindzetelwe kulekhathuni achazani? (1)
- 4.5 Khetsa imphendvulo kuletilandelako: Kube lomshado longenhla bewuweSiswati, bewutawubitwa ngekutsi ... (1)
- A Ngumtsimba.
B Ngummemo.
C Ngummiso.
D Lutsango.

- 4.6 Cedzelela lomusho lonemacashati kulekhathuni ngesiga senkhulumo. (1)
- 4.7 Nguyiphi inkhulumo lekulekhathuni lemumetse emandla ekuphatsa? Usho ngani? (2)
- 4.8 Bhala umusho loyimphendvulo locuketse saga locabanga kutsi uphuma kulona lomdvuna lohleti phasi? (2)
[10]

UMBUTO 5

Fundza lethekesthi lenemaphutsa elulwimi bese uphendvula imibuto lelandzelako.

ITHEKSTHI F**EMAHLONGANDLEBE**

'Maye iyetfusa lendzawo Madvodza, njengobe sekuhwalele, imnyama kakhulu shengatsi lihlati **letinhlafu**.' Kwekhuta Jona etfuswa ngulelihlati lehlala boBhoyi naThemba.

Bonkhe labafana besuka etindzaweni letehlukene. Emakhaya babalekela kufundza sikolo. Emini basebenta kutfwalela belumbi tikhwama tegalufu. Nasebacedzile kudlala, belumbi bayabaholela labafana, lapha eMalalane Golf Club. Ntsambama utababona balandzelana bayewushona ngale emahlatsini. Basuke bayewufuna tikhundla tekulala phela bonkhalwane. Ekuseni lokwa uyawubetfuka sebahleti batsamele sicelu balindze belumbi labatewudlala igalufu. Nakunemdanso webelumbi nabo baze bamangale kutsi kantsi labantfu bahamba nini. Kusa bayalukana nekudla lokudliwe belumbi bakushiya. **Kuyawutsi kusa besutsi bafana. Kuyawutsi kusa bashisa bafana.** Bacothela imali lewa ebelumbini nabadansa badzakiwe. 5 10

Bhoyi wekutsalwa eMgungundlovu waze wefika eMalalane ngenca yegalufu. Kwaba nemchudzelwano wegalufu ngemnyaka wa-1989. Bhoyi wefika nemlumbi wakhe lamtfwalela sikhwama **lapha** eMalalane Golf Club atewungenela umchudzelwano. Kwatsi nakuphela umdlalo wamikisa sikhwama semlumbi, watfola buchwalalana bakhe, watsi shelele wayewubhaca, wamfuna umlumbi wangamtfoli wate wabuyela emuva eMgungundlovu. 15

[Emalangabi: 26–27]

- 5.1 Phindza ubhale lomusho lodvvetjelwe endzimeni yesibili ufake sijobelelo sesinciphiso (-ana) egameni lelingundzaweni lelibhalwe lacindzetelwa. (1)
- 5.2 Lungisa loko lokudvvetjelwe endzimeni yesitsafu. (1)
- 5.3 Khokha umusho lonesibalulingco endzimeni yekucala. (1)
- 5.4 Tsatsa ligama lelibunikati lelicindzetelwe endzimeni yekucala ulisebentise emshweni. (1)

- 5.5 Hlanganisa lemisho lemibili lebhalwe yagcanyiswa endzimeni yesibili ngesihlanganiso lesifanele. (1)
- 5.6 Kunesabito sekukhomba edvute lesicindzetelwe endzimeni yesitsatfu, sitsatse usisebentise emshweni lotakhele wona. (1)
- 5.7 Shano inshokutsi yeselulo sesento ngasinye lesicindzetelwe kulemisho lelandzelako.
- 5.7.1 Kusa bayalukana nekudla lokudliwe belumbi bakushiya. (1)
- 5.7.2 Emakhaya babalekela kufundza sikolo. (1)
- 5.8 Akha umusho lophocako ngeligama lelikuletheksthi, **buchwabalalana**. (2)

[10]

SAMBA SESIGABA C: 30
SAMBA SAKO KONKHE: 70